

Tau Tohi Fono Kabeneta

Fakailoaaga mai he Kabeneta

Ikipule mo e tofi
Higoa he fekau
Aho fakamau
Aho ne fakailoa

Lilifu Jan Tinetti, Hagai Ikipule he Faahi Fakaako (Tau Gahua Aoga)
Hokotaki ke he Kabeneta: Liu Kikite Ma e tau Fanau kua lata mo e tau Lagomatai Mua Ueatu.
07 Novema 2022
17 Novema 2022

Ko e tau tohi mai ni he Fono Kabeneta:

Tohi ole ke he Kabeneta: Hokotaki ke he Kabeneta: Liu kikite ma e tau fanau kua lata mo e tau lagomatai mua ueatu.
Aho fakamau: 07 Novema 2021
Tohia: Hagai Ikipule he Faahi Fakaako

Minute he Kabeneta: CAB-22-MIN-0490
Aho fakamau: 07 Novema 2022
Tohia: Ofisa he Kabeneta

Minute he Kabeneta: SWC-22-MIN-0188
Aho fakamau: 26 Oketopa 2022
Tohia: Ofisa he Kabeneta

Hokotaki ke he Kabeneta: Liu Kikite ma e tau Manako Mua Ueatu
Aho fakamau: 11 Aokuso 2022
Tohia: New Zealand Council for Educational Research (Fono ma e Kumikumiaga he Faahi Fakaako ha Niu Silani)

Tau vala ne utakehe

Falu matakupu ne utakehe mai he tohi ha kua nakai putoia ke he tofi gahua he Ikipule mo e kua nakai mahuiga ke lata ma e fakailoaaga he tohi nei.

Ko e tau kakano ne utakehe mai he Fakatufono-Tohi hanai:

Matakupu 9(2)(f)(iv) ke puipui e talahauaga ne kua taute he tau Ikipule ma e higoa he Patuiki mo e tau ofisa gahua.

Totou ke he Fakatufono-Tohi tau Talahauaga he Fakatufono 1982 ke he nae:
<http://legislation.govt.nz/act/public/1982/0156/latest/DLM64785.html>

Tau Talahauaga Fakafono Kabeneta

Office of the Associate Minister of Education Social Wellbeing Committee

Hokotaki ke he Kabeneta: Liu Kikite Ma e tau Fanau kua lata mo e tau Lagomatai Mua Ueatu

Tohi Ole

- 1 Muitua atu ke he liu kikiteaga ke he tau lagomatai ma e tau fanau aoga kua lata mo e tau lagomatai mua ueatu mo e ole ke moua e taliaaga he Kabeneta ke taute taha puhala foou mo lagomatai e moui fakaako he tau fanau ia. Kumi atu e taliaaga ke atihake e taha talahauaga fakapisinisi ke kitia e tau tupe ka lata ai ma e hikiaga he tau puhala gahua.

Matutakiaga ke he tau pulega fakapapahi he fakatufono.

- 2 Ko e maveheaga ne tu he Tohi Gahua he Matakau Lepa a to hoko e viliaga lahi 2020 ne matutaki ki ai e gahua Liu Kikite ma e tau Fanau Aoga kua Lata mo e tau Lagomatai Mua Ueatu (Liu Kikite). Kua kumi ke kautu e tau matakupu ne lima he Fakatufono ke lata ma e tau fakaakoaga. Omoi ke kautu e Tohi Pulega he Fakatufono ma e Tutu Mitaki he tau Momoui Fanau mo e Fuata, katoa mo e manako ke kitia maali e tau hikiaga mo e tolomaki he matakau he tau tagata nakai katoatoa mo e eke a Niu Silani mo motu kua mua atu mai he lalolagi katoa ma e moui he tama.

Talahauaga Ku

- 3 Ne talia he Kabeneta e hokulo he gahua ma e Liu Kikite ke he aho 1 Sepetema 2021, mo e ke taute e hokotaki ke he Kabeneta ia Oketopa 2022 [CBC -21-Min-0082].
- 4 Kua leva e manako he faahi fakaako mo e tau tagata gahua he faahi fakaako, tau tagata nakai katoatoa fakalataha mo e tau mamatua ke he gahua Liu Kikite nei. Kua kitia kua lahi e tau fekehekeheaki ki loto he tau puhala gahua. Pete ni e lahi e tau tupe he Fakatufono ne tuku mo lagomatai e tau gahua kehekehe he lima e tau kua mole atu, tokologa agaia e tau fanau aoga ne nakai moua lagomatai ha kua fakahoahoa e tau gahua.
- 5 Ko e tau talahauaga mai he gahua Liu Kikite ne moua mai he feutaakitala he Kau Gahua Ikipule Faahi Fakaako (Kau Gahua Ikipule) mo e tau tagata, hokotaki ne taute ai he Aiseni Tutu Mitaki (SWA) e tau Momoui mo e fakaaoaga he tau talahauaga makutu mai he Ofisa Liu Kikite he Faahi Fakaako (ERO) hagaaio ia ke he tau fanau aoga kua nakai katoatoa ki loto he tau aoga mo e tau aoga fakamahani.
- 6 Ne kitia ai ke he gahua Liu Kikite, kua nakai lahi e lagomatai he faahi gahua mo e tokologa lahi e tau fanau aoga ne nakai moua ha lagomatai. Ne kitia ai ke he tau talahauaga makutu he SWA, toko fitu e fanau aoga ne moua e lagomatai, ka e toko tolu ne nakai moua katoatoa e lagomatai ke he taha magahala he haana a moui fakaako. To lauia ai e tama ke he vaha loa he haana moui ke he motu, mo e haana a moui mafola.

TAU TALAHAUAGA FAKAFONO KAPENETA

- 7 Mailoga lahi he tau fanau mo e ha lautolu a tau magafaoa e agaaga nakai lopoti he aoga ke pehe ko e tau fanau mai he aoga ia, mo e nakai fai lagomatai lahi ki a lautolu e tau fanau aoga ne kua lata ke moua e tau lagomatai mua ueatu. Kakano ni ha kua uka ke moua e tau lagomatai, nakai maama mitaki e puhala tuku tohi ole mo e mamafa e tau puipuiaga.
- 8 Mailoga lahi he tau aoga mo e tau aoga fakamahani, kua nakai moua ha tupe, temotemoai, mo e nakai moua tumau. Tokogaho e tau takitaki mo e tau tagata gahua he faahi fakaako kua malolo ke lagomatai e tau fanau kua nakai katoatoa he tau aoga.
- 9 Fakamooli e Fakatufono ke kumi puhala ke fakatu e faahi fakaako ne o tatai mo e kautu e tau momoui he tau fanau o aoga oti kana.
- 10 Puhala atu e Kau Gahua he Ikipule Faahi Fakaako ke kau fakalataha e tau aoga ma e tau fanau o aoga. Putoia ai e tau gahua foou ki loto he tohi gahua Te Tūāpapa o He Pikorua (Te Tūāpapa – Kikite ke he Numela 1). Foli e Te Tūāpapa ke tu uho e tuaga he tama aoga mo e haana a magafaoa ke he tau fifiliaga.
- 11 Lagomatai e Te Tūāpapa ke moua e hikiaga ke he tau aga mo e mahani hagaaio ia ke he matakupu lopoti. Hiki e tau aga tuai mo e tau mahani ke he tau lagomatai ma e moui fakaako ke maeke ke moua taha tonu ke he tau lekua kafilo i loto he kau gahua. Maeke e tau tagata gahua (learning support coordinators) ke fakahoko e tau hikiaga nei ki loto he tau fakaakoaga he tau maaga.
- 12 Pete ia, kua lata ke fai hikiaga ke o kehe mai he puhala gahua mahani mau, mahani onoono ke he tau mena fakamole kua molea mo e mahani gahua fakapukilu. Kaeke ke nakai hako e gahua, nakai katoatoa e tau lagomatai mo e fekehekeheaki ki loto he kau gahua, to tumau e lekua ke he tau fanau aoga (nakai katoatoa) ne kua lata ke moua e tau lagomatai mua ueatu.
- 13 Omoi au ke he Kapaneta ke talia ke he puhala foou mo e lagomatai e tau fanau kua nakai katoatoa. Fakakite mai he gahua Liu Kikite nai kua mahuiga ke fai hikiaga ke he hala loa ke kautu e tau lagomatai.
- 14 Kua pulega atu ke fai hikiaga lafilafi ke lata ma e fakafetui he tama aoga, magafaoa mo e aoga fakamahani poke aoga. Ko e fakafetui nei ke moua he tama aoga mo e magafaoa e fifiliaga ke he tau puhala lagomatai ne kua mitaki ma lautolu. Loga e puhala lagomatai kehekehe ne maeke e tau fanau mo e magafaoa ke moua.
- 15 Ko e puhala foou nei kua atihake mai he tau matakupu Fakatupu e tau Momoui Mitaki (EGL)¹ mo e Ka Hikita – Ka Hāpaitia (Ka Hikitia).² Mailoga e –
 - 15.1 Kehekehe mo e loga e lagomatai kua maeke e tau fanau aoga mo e tau magafaoa ke moua e lautolu.
 - 15.2 Maeke he tau magafaoa Mauli mo e atu Pasifika ke moua e tau lagomatai kehekehe mai he tau aiseni ne mailoga e ha lautolu a tau motu, tau vagahau mo e agamotu.

¹ Tau Matakupu Fakatupu e tau Momoui Mitaki: fakaohooho he mana, kamata tuai, lata ma e tagata, mukamuka he fakaaoga, tau mena moua he moui, loto malolo, feaki he tau vaha loto mitaki.

² Tau fakahikuaga mitaki he Ka Hikitia: Te Tangata, Te Whānau, Te Kanorautanga, Te Tuakiritanga, Te Rangatiratanga.

TAU TALAHAUAGA FAKAFONO KAPENETA

- 15.3 Ata e tau fanau aoga ke kumikumi atu e tau fakaakoaga oti, mo e o tatai ke tolomaki mo e kautu e tau momoui fakaako ha lautolu.
- 16 Mailoga e lahi he gahua ke vetevete e EGL, mo e haana a tau puhala fakaako kehekehe. Amanaki ke maeke e Kau Gahua Ikipule he Faahi Fakaako ke gahua auloa mo e Whaikaha ke maama mo e atihake e tau hikihikiaga ke he tau lagomatai kehekehe.
- 17 Ha ha i ai fitu e lakaaga he gahua foou nei:
 - 17.1 Puhala uta fekau foou.
 - 17.2 Tau lagomatai kua lata.
 - 17.3 Tau aoga auloa mo e kau fakalataha.
 - 17.4 Tau lagomatai ma e tau fanau aoga Mauli mo e atu Pasifika mo e ha lautolu a tau magafaoa kua atihake ni e lautolu ma lautolu.
 - 17.5 Malolo mo e maeke e kau gahua ke tali e tau fekau.
 - 17.6 Puhala atitupe foou kua hagahaga mitaki mo e mukamuka; mo e
 - 17.7 Malolo atu e kau fakalataha mo e falu a tau aiseni.
- 18 Kua mahino e tau lakaaga, mo e maeke e tau hikiaga he vaha ke atihake e tau gahua mitaki mo e tumau ke moua tupe ai. Ko e mena ia kua tuku e ole ke he Kau Gahua Ikipule ke atihake taha pisinisi fakatai ke fakakite e tau tupe mo e tau puhala gahua foou. To tuku e hokotaki ke he Fono Kabeneta ia luni 2023 fakalataha mo e pisinisi fakatai mo e tau polokalama mo lagomatai e fakaholoaga he tau gahua lafilafi. Ko e polokalama nei ke fakakite ai e mepe he tau hikiaga ke he ua, lima mo e hogofulu e tau tau i mua.
- 19 Kua mahuiga ke fakaaoga e tau mena iloa ne moua mai he tau gahua Liu kikite ke lata ma e tau hikiaga ke he magaaho nei ne kua maeke ai. [9(2)(f)(iv) REDACTED] Pete ia, to nakai katoa e tau hikiaga ke he puhala gahua he magaaho nei poke moua ha hikiaga lahi kua kehe.

TAU TALAHAUAGA FAKAFONO KAPENETA

Numela 1: Te Tūāpapa

Te Tuapapa o He Pikorua

A foundation for inclusive learning communities for all mokopuna and their whānau.

